

**3
-
4**




NIÐURSTÖÐUR **BARNAPINGS** **2022**

MARS

Umboðsmaður barna boðar til þings um
málefni barna annað hvert ár þar sem
farið er yfir stöðu og þróun í málefnum
barna á helstu sviðum samfélagsins
og verða niðurstöður þingsins kynntar
rikkisstjórn og hlutaðeigandi ráðherrum.

Nánar á www.barnathing.is

**20
22**



FRÁ UMBOÐSMANNI BARNA

Framlag barna ómetanlegt

Barnaþing hefur fest sig í sessi sem einstakur vettvangur til að koma sjónarmiðum barna í íslensku samfélagi á framfæri.

Fjöldi barna þáði boð um að taka þátt í barnaþingi fyrr á þessu ári og sýndi þannig í verki að þau láta sig varða samfélagsleg málefni og vilja vera afl til breytinga. Það er ánægjulegt hversu fjölbreyttur hópur barna tók þátt en sum þeirra komu um langan veg til þess að sækja þingið.

Lykillinn að vel heppnuðu barnaþingi var að börnin fóru í einu og öllu eftir þeim gildum sem þau höfðu sjálf sett sér fyrir þingið, að vera jákvæð, að sýna hvert öðru virðingu, og að hafa gaman. Umboðsmaður barna þakkar barnaþingmönnum fyrir þátttökuna og þeirra mikilvæga framlag.

Umboðsmaður barna hefur nú unnið úr öllum þeim fjölmörgu hugmyndum sem fram komu á barnaþinginu, en börnin höfðu fyrir þingið valið að fjalla sérstaklega um mannréttindi, umhverfis- og loftslagsmál ásamt menntun barna. Í þessari skýrslu birtast helstu niðurstöður barnaþingsins og eru þær flokkaðar eftir málefnum.

Embætti umboðsmanns barna mun nú leita allra leiða til þess að koma tillögum barnaþingmanna á framfæri og í framkvæmd í samræmi við ákvæði Barnasáttmálans. Samkvæmt ákvæðum Barnasáttmálans eiga allar ákvarðanir sem varða börn að vera teknar út frá því sem þeim er fyrir bestu. Börn eiga að taka þátt í ákvarðanatöku sem varðar þau, og leggja ber mat á allar tillögur og breytingar sem geta haft áhrif á börn, út frá hagsmunum þeirra, réttindum og þörfum.

Umboðsmaður barna þakkar öllum þeim sem höfðu tækifæri til að sækja þingið: forseta Íslands, ráðherrum, alþingismönnum, sveitarstjórnarfólki og öðrum gestum. Nú bíður okkar allra að koma tillögum barnaþingmanna til framkvæmda. Að lokum langar mig að þakka sérstaklega starfsfólki embættisins og öllum öðrum sem komu að skipulagningu þingsins.



Salvör Nordal,
Umboðsmaður barna



INNGANGUR



Barnaþing var haldið í Hörpu dagana 3.- 4. mars 2022 með þátttöku 113 barna alls staðar af á landinu. Í lögum um umboðsmann barna, nr. 83/1994, er kveðið á um að umboðsmaður barna skuli boða til þings um málefni barna annað hvert ár og skulu niðurstöður og ályktanir þingsins kynntar ríkisstjórn. Fyrsta barnaþingið var haldið árið 2019 og heppnaðist það afar vel. Það stóð til að halda næsta barnaþing árið 2021 en því var frestað vegna heimsfaraldursins og samkomutakmarkana. Samkvæmt lögum um umboðsmann barna ber embætti umboðsmanns barna að boða fjölbreyttan hóp barna á þingið, auk alþingismanna, fulltrúa stofnanna og sveitarfélaga, auk fulltrúa vinnumarkaðarins og frjálsra félagasamtaka sem koma að málefnum barna. Mikil áhersla var lögð á að bjóða sem fjölbreyttum hópi barna til þátttöku og til að ná þeim markmiðum voru þátttakendur valdir með slembivali úr Þjóðskrá á sama hátt og gert var á fyrsta barnaþingi. Barnaþing hófst með hátíðardagskrá sem fram fór fimmtudaginn 3. mars, en um var að ræða opinn og fjölmennan viðburð. Eftir lok hátíðardagskrár kusu barnaþingmenn átta fulltrúa í ungmennaráð heimsmarkmiðanna. Föstudaginn 4. mars var þingið formlega sett og hófust þá umræður barnaþingmanna í þjóðfundarstíl.




UNDIRBÚNINGUR BARNAPINGMANNA

Um 350 börn alls staðar af á landinu, á aldrinum 11-15 ára (fædd á árunum 2006-2010), fengu boð en í áðurnefndu slembivali var gætt að kynjahlutfalli, aldurshlutfalli og búsetu þáttakenda. Til viðbótar við þá sem fengu boð var ráðgjafarhópi umboðsmanns barna einnig boðið að taka þátt í þinginu, auk ungmennaráðs heimsmarkmiðanna. Einnig var settur á laggirnar samráðshópur barna um skipulagningu og áherslu barnaþings og voru ýmis félagasamtök beðin um að tilnefna fulltrúa í hópinn. Bandalag íslenskra skáta, UNICEF, og Proskahálp svöruðu kallinu. Auk þeirra fulltrúa tóku börn úr ráðgjafarhópi umboðsmanns þátt í starfi samráðshópsins. Alls hittist hópurinn þrisvar sinnum og ræddu fulltrúar ýmis mál varðandi skipulag og framkvæmd barnaþings og komu þeim á framfæri og voru þannig virkir þáttakendur í ákvarðanatöku um barnaþing. Við framkvæmd þingsins var mið tekið af þeirra tillögum, m.a. um aðgengismál og upplýsingaefni fyrir barnaþingmenn. Þá tók samráðshópurinn einnig þátt í að velja þá listamenn sem fram komu á hátiðardagskrá þingsins.



Undirbúningur barnaþings hófst á haustmánuðum 2021 með þátttöku þeirra barna sem skráð voru á þingið í vinnuhópum. Barnaþingmenn tóku þátt í þremur undirbúningsfundum sem fram fóru á netinu, en auk þess var haldinn upplýsingafundur fyrir forsjáraðila barnanna. Á fundunum tóku barnaþingmenn jafnframt þátt í hugmyndavinnu fyrir þingið og völdu listamenn sem þau vildu að kæmu fram á hátiðardagskránni. Barnaþingmenn völdu einnig umræðuefni þingsins og völdu þar þrjú málefni af 11 tillögum, sem byggðu á niðurstöðu barnaþings árið 2019. Umræðuefni þingsins sem fyrir valinu urðu voru umhverfismál, mannréttindi og menntun, en börnin gátu síðan valið sér umræðuhópa á þinginu eftir áhugasviði.

Fyrir þingið var auglýst eftir ungu fólk til að vera borðstjórar á umræðuborðum barnaþingmanna, en leitast var eftir að fá til þátttöku ungt fólk með reynslu af þátttökuaðferðum og starfi með börnum. Borðstjórar tóku svo þátt í tveimur undirbúningsfundum þar sem farið var yfir framkvæmd barnaþings og áherslur í vinnu og samskiptum við barnaþingmenn.



Rík áhersla var lögð á að tryggja velferð og öryggi barnaþingmanna, með aðkomu stuðningsaðila og þá var hjúkrunarfræðingur til staðar sem börnin gátu leitað til auk þess sem sérstakt hvíldarrými var til staðar. Auk þess var sérstakt stuðningsteymi skipað fimm sérfræðingum í þátttöku barna með sértækjar þarfir sem aðstoðuðu þau börn sem á þurftu að halda, til að tryggja að öll börn gætu tekið þátt í þinginu á eigin forsendum.

DAGSKRÁ PINGSINS

Barnaþing hófst með hátíðardagskrá í Silfurbergi í Hörpu með fjölbreyttum skemmtitriðum ungra listamanna af öllu landinu, sem skemmtu gestum með loftfimleikum, söng og dansi. Kynnar hátíðardagskrár voru meðlimir í ráðgjafarhópi umboðsmanns barna og nutu þau liðsinnis Boga Ágústssonar fréttamanns í upphafi dagskrár, sem jafnframt flutti erindi um mikilvægi lýðræðis. Að lokum stigu ráðherrar á stokk og fjölluðu um eigin bernsku og mikilvægi þess að börn láti til sín taka í samfélaginu.

Barnaþing var formlega sett föstudaginn 4. mars með ávarpi Guðna Th. Jóhannessonar, forseta Íslands. Fyrir hádegi sátu barnaþingmenn á umræðuborðum og ræddu áherslur og tillögur með aðstoð borðstjóra. Eftir hádegi mættu til leiks alþingismenn, fulltrúar vinnumarkaðarins og fulltrúar stofnana ríkis og sveitarfélaga og settust við borðin og ræddu framkomnar tillögur barnaþingmanna. Í lok þingsins var hverju borði boðið að fjalla um áhersluatriði að eigin vali og fengu tækifæri til að spryja þrjá ráðherra sem sátu þar fyrir svörum.



**SAMANTEKT
Á HELSTU
ÁHERSLUMÁLUM
Á BARNAPINGI 2022**



MANNRÉTTINDI

MANNRÉTTINDI BARNA

Barnaþingmenn ræddu mikilvægi þess að réttindi barna séu virt og að börn fái að taka þátt í umræðum um mál sem varðar þau og að tillit sé tekið til skoðana þeirra, helst þannig að hugmyndum þeirra sé hrint í framkvæmd. Þá settu barnaþingmenn fram þá skoðun að lækka eigi kosningaaldur niður í 16 ár og áréttuðu um leið rétt barna til að fá að hafna því að tjá sig eða taka þátt í umræðu ef við á. Þá ræddu barnaþingmenn rétt allra barna til að líða vel heima hjá sér með fjölskyldunni, en þar fannst barnaþingmönnum máli skipta að börn eigi heimili og þak yfir höfuðið.

„Börn eiga rétt á að fá að tjá skoðanir sínar, líka skoðanir tengdar pólitík“.



JAFNRÉTTI

Jafnrétti var áberandi í umræðum barnaþingmanna og var sérstök áhersla lögð á jafnrétti allra kynja og virðingu fyrir vali einstaklinga á persónufornöfnum. Í því samhengi var einnig rætt um aðgengi fyrir öll kyn að opinberum salernum, sund- og íþróttaklefum, en einnig ræddu barnaþingmenn um mikilvægi þess að útrýma fordóumum til að tryggja að allir fái að vera eins og þeir sjálfir kjósa.

„Ódýrara flug milli landshluta“.

„Enga fordóma“.

„Hommar ættu að mega gefa blóð“.

„Fátækt fólk og atvinnulaust fólk á að fá forskot í atvinnuviðtölum“

Barnaþingmenn ræddu einnig um launajafnrétti og vildu að lágmarkslaun yrðu hækkuð og allir njóti sambærilegra tækifæra á vinnumarkaði, óháð t.d. kyni, trú eða húðlit.



HEILBRIGÐIS PJÓNUSTA

Í umræðum um heilbrigðisþjónustu ræddu barnaþingmenn mikilvægi þess að efla fræðslu um kynheilbrigði og töldu að börn ættu að hafa aðgang að gjaldfrjálsum tíðavörum.

Einnig var rætt um aðgengi að sálfræðingum fyrir börn og að slík þjónusta ætti að vera gjaldfrjáls. Barnaþingmenn áréttuðu einnig að allir eigi að hafa jafnt og greitt aðgengi að heilbrigðisþjónustu sem ætti að vera gjaldfrjáls. Þá töldu barnaþingmenn mikilvægt að tryggja læknum betri starfsaðstæður á Landspítala, og ítrekuðu mikilvægi þess að allir fái aðgang að heilbrigðisþjónustu um leið og þörf er fyrir hana, en séu ekki látnir bíða lengi eftir aðgerðum sem svo er jafnvel frestað.



MENNTUN OG TÓMSTUNDIR

Umræða fór fram um tómstundir barna og jafnt aðgengi allra barna að íþróttastarfi að eigin vali, óháð fjárhagslegri stöðu foreldra. Í því samhengi ræddu barnaþingmenn um mikilvægi þess að almenningssamgöngur eins og strætisvagnar séu gjaldfrjálsar fyrir börn á leið í og úr tómstundastarfi.

„**ÞAÐ ÆTTI AÐ VERA SKYLDÁ Í SKÓLUM AÐ HAFNA SÉR FÆÐI FYRIR FÓLK MEÐ FÆÐUOFNÆMI**“

„**ÖRYGGIGI ALLS STAÐAR, Í SKÓLA, HEIMA, Í BÚÐ OG Á GÖNGUSÍGUM**“

Þá töldu barnaþingmenn jafnframt mikilvægt að börn hafi rödd í skólanum sínum og geti haft áhrif á framkvæmd skólastarfs, eins og t.d. fyrirkomulag kennslu og matseðil skólamötuneyta. Barnaþingmenn lögðu jafnframt áherslu á jöfn tækifæri allra til menntunar.




FÓLK AF ERLENDUM UPPRUNA

Barnaþingmenn ræddu um málefni fólks af erlendum uppruna og vildu sjá breytingar í þá átt að það fólk fengi atvinnu í samræmi við menntun þeirra, sérstaklega þeir með sérhæfða menntun og reynslu. Einnig var rætt um mikilvægi þess að Ísland taki á móti fleira flóttafólki og að enginn eigi að þurfa að búa við striðsátök. Þá töldu barnaþingmenn að fólk á flóttu eigi að fá að halda áfram að læra sitt móðurmál samhliða kennslu í íslensku.



“Við erum öll í sama bát
á þessum sjó sem er heimurinn”





UMHVERFISMÁL

FLOKKUN

Ein af megináherslum margra borða sem ræddu um umhverfismál var endurvinnsla og flokkun úrgangs, og töldu barnaþingmenn eina lausn vera að bæta aðgengi að ruslatunnum sem bjóða upp á flokkun. Barnaþingmönnum fannst flokkun hér á landi vera verulega ábótavant og því væri hægt að gera mun betur í þeim efnum, til dæmis með því að fjlöga flokkunarflokkum og fá fleiri til að taka þátt í því að flokka úrgang. Til að ná því markmiði töldu barnaþingmenn nauðsynlegt að allar almenningstunnur væru með flokkunarhólfum og þá þurfa þær að vera til staðar í skólastofum en efla þyrfti kennslu um umhverfismál, ekki síst um flokkun úrgangs. Barnaþingmenn ræddu einnig um mikilvægi þess að minnka matarsóun, og bentu á að matarafganga mætti nýta í súpur eða jafnvel til að gefa fuglum eða öðrum dýrum.

„Meiri lífræn flokkun“.

„Sameiginlegt flokkunarkerfi fyrir allt landið“.

„Kaupa inn hæfilegt magn af mat“.




PLASTNOTKUN

Notkun plasts var áberandi í umræðunni um umhverfismál og leiðir til að koma í veg fyrir að plast endi í náttúrunni. Barnaþingmenn lögðu til að plastnotkun yrði minnkuð, að endurvinnsla á plasti verði aukin, og að einnota pappaskeiðum verði skipt út fyrir einnota skeiðar úr viði. Þá lögðu barnaþingmenn til að hætt verði notkun á plastflöskum og plastpokum verði skipt út fyrir fjölnota poka eða poka úr maís. Meðal annarra tillagna barnaþingmanna um umhverfismál má nefna tillögu um að lagt verði sérstakt gjald á fyrirtæki sem nota plast í framleiðslu sinni til að hvetja þau til að nýta aðra og umhverfisvænni valkosti.



SAMGÖNGUR

Barnaþingmenn voru með ýmsar hugmyndir á sviði samgöngumála sem miðuðu að því að draga úr loftmengun, með notkun rafmagnsbíla sem hvetja á til með lækkun á sköttum og opinberum gjöldum tengdum bifreiðum. Einnig lögðu barnaþingmenn til að verð fyrir almenningssamgöngur verði lækkað eða þær gerðar gjaldfrjálsar, og að allir strætisvagnar eigi að gange fyrir rafmagni. Þá lögðu barnaþingmenn til lagningu fleiri upphitaðra hjóla- og göngustíga sem væru þá aðgengilegir allan ársins hring. Einnig var síðum rædd að verðlauna þá sem menga lítið eða jafnvel ekkert og hvetja fólk til að nýta sér umhverfisvænni samgöngumáta, eins og almenningssamgöngur, eða að gange eða hjóla. Barnaþingmönnum fannst einnig mikilvægt að settar verði takmarkanir á flugferðum í þeim tilgangi að fækka þeim, með því að t.d. hækka verð á flugmiðum og planta trjám til að kolefnisjafna flugferðir.



DÝRAVELFERÐ

Velferð dýra kom oft upp í umræðum og voru barnaþingmenn sammála um mikilvægi þess að stuðla að velferð dýra eins og kostur væri. Verndun sjávarauðlinda kom einnig til umræðu og var lögð áhersla á að halda sjónum hreinum og minnka fiskveiðar til að vernda stofnana. Barnaþingmenn töldu mikilvægt að hætta tilraunum á dýrum, stuðla að betri meðferð þeirra og minnka neyslu kjöts. Einnig vildu barnaþingmenn að skólar og fyrirtæki byðu upp á grænkerafæði frekar en kjöt í mótneytum sínum.

"Ekki eiga villt dýr sem gæludýr".

"Nota sólarvörn sem er ekki vond fyrir sjóinn".





NÁTTÚRAN

Mikil áhersla var lögð á trjáræktun í umræðum barnaþingmanna um verndun náttúru og umhverfismál. Barnaþingmenn vildu efla trjáræktun til muna og um leið draga úr trjfællingum og pappírsnotkun. Ein leið til þess að draga úr pappírsnotkun skóla væri að nýta rafræn próf í auknu mæli frekar en að vera með próf á pappírum.

„Fá skóla og fleiri til að gróðursetja tré í náttúrunni tvisvar sinnum á ári“.

Barnaþingmenn ræddu einnig mikilvægi notkunar lífrænna hreinsiefna í stað efna sem eru skaðleg fyrir náttúruna. Mikilvægt væri að sporna við rusli í umhverfinu með því að tína rusl reglulega. Þá bentu barnaþingmenn á að meira grænmeti og ávexti væri hægt að rækta hér á landi til að minnka mengun tengda innflutningi, en einnig töldu barnaþingmenn mikilvægt að sorp ætti ekki að grafa neðanjarðar. Þá var mikil áhersla lögð á að grípa til aðgerða sem allra fyrst til að sporna við hlýnum jarðar.





SKÓLI OG MENNTUN

NÁMS- FYRIRKOMULAG

Barnaþingmenn ræddu fyrirkomulag náms og var í þeirri umræðu snert á mörgum þáttum. Mikil áhersla var lögð á að nám ætti að móta eftir einstaklingsgetu hvers og eins ólíkt því sem nú tíðkast. Einnig komu fram margar athugasemdir varðandi heimanám og var mikil samstaða meðal barnaþingmanna um þá afstöðu að heimanám væri almennt of mikið. Barnaþingmenn vildu því sjá minna heimanám og að boðið væri upp á þann möguleika að kennarar veittu þeim nemendum sem á þurfa að halda aðstoð við heimanám, þar sem foreldrar hafa mismunandi þekkingu og getu til að aðstoða börn við það.

Einnig var mikill samhljómur á meðal þingmanna um að skóladagurinn væri of langur. Barnaþingmenn vildu stytta skóladaginn og töldu of langt að vera í skólanum til kl. 16 eins og dæmi eru um. Önnur atriði sem barnaþingmenn nefndu varðandi fyrirkomulag náms í skólum var að hraðlestrarpróf eigi að vera uppbyggileg, sem barnaþingmenn telja þau ekki vera samkvæmt núgildandi fyrirkomulagi. Þá ættu niðurstöður hraðlestrarprófa ekki að hafa áhrif á lokaeinkunnir nemenda. Einnig óska margir barnaþingmenn eftir fyrirkomulagi náms sem byggir á fleiri verkefnum í stað lokaprófa og bentu á að einkunnagjöf ætti að vera samræmd og einfaldari. Þá er það mat barnaþingmanna að form og litir í einkunnagjöf henti illa og telja tölu- og bókstafi vera betri kostur.

„Byrja skóla seinna á daginn“.

„Kennarar ættu að gefa að minnsta kosti viku fyrirvara fyrir próf“.

„Hækka laun kennara, hærri laun = meiri metnaður“.

NÁMSÚRVAL

Mikil umræða var meðal barnaþingmanna um námsúrvall og vildu margir barnaþingmenn auka við fjölbreytileika námsúrvals í skólum. Mikið var rætt um að gera ætti dönsku að valfagi og þá ættu nemendur að geta valið á milli fleiri tungumála í námi sínu. Þá töldu barnaþingmenn að auka ætti kennslu í fjármálalæsi, tækni auk kyn- og jafnréttisfræðslu og að skólar ættu að kenna táknmál. Barnaþingmönnum fannst einnig skorta fræðslu í skólum um stjörnufræði, umhverfismál og jafnréttismál eins og kynjamismunun, kynþáttahatur og hatursorðræðu en einnig vilja barnaþingmenn auka úrvall listgreina í skólum eins og dans, söng eða leiklist.

Í umræðu um íþróttakennslu var rætt um að þar eigi að lengja kennslustundirnar og kenna amerískan fótbalta. Miklar umræður áttu sér stað um sundkennslu og voru sumir barnaþingmenn á því að það ætti alveg að leggja niður skólasund á meðan aðrir ræddu um að gera ætti sund alfarið að valgrein, eða að minnsta kosti þar til nemendur hefja nám á unglingsastigi.





MATUR

RÉTTINDI OG VIRÐING

Barnaþingmönnum fannst skorta samráð við nemendur um fæðisval á matseðlum skólamata og lögðu til að nemendur fengju alfarið að ráða af og til hvað væri í hádegismat en mikilvægt væri að í móttuneytum skóla væri boðið upp á fjölbreyttara og betra fæði. Einnig var sérstaklega rætt um mikilvægi þess að bjóða upp á grænmetisfæði eða grænkerafæði ásamt því að aðlaga matinn sérstaklega fyrir nemendur með ofnæmi eða fæðuóþol. Að mati barnaþingsmanna ætti skólamatatur einnig að vera gjaldfrjáls eða mun ódýrari en nú er og að bjóða eigi nemendum sem gleyma nesti heima mat í boði skólans svo þeir séu ekki svangir og geti þannig einbeitt sér í skólanum.

Réttindi fatlaðra voru áberandi í umræðu um mannréttindamál og var þar sérstaklega áréttáð að bæta þurfi hjólastólaðgengi með lyftum og römpum þar sem við á. Mikið var rætt um samskipti nemenda og kennara og áhersla á það lögð að þau samskipti einkennist af gagnkvæmri virðingu. Einnig töldu barnaþingmenn mikilvægt að kennrar beri virðingu fyrir kynhneigð barna og vali þeirra á eigin persónufornöfnum og að ávarpa eigi nemendur sem einstaklinga í stað heildar. Allir nemendur eigi rétt á því að líða vel í skólanum og eigi sömu réttindi og mikilvægt sé að eineltismál séu tekin föstum tökum. Þá fannst barnaþingmönnum mikilvægt að kennrar leggi sig betur fram um að hlusta á skoðanir, hugmyndir og spurningar nemenda. Þá töldu barnaþingmenn að salerni ættu ekki að vera kynjaskipt og að merkja ætti salernisaðstöðu með blindraletri.



HEILSA OG LÍÐAN

Barnaþingmenn töldu mikilvægt að skólar eflí frekar andlegan stuðning við börn með því t.d. að bjóða upp á þjónustu sálfræðinga. Þá fannst barnaþingmönnum afar mikilvægt að geta átt trúnaðarsamtal við námsráðgjafa og aðra fagaðila á vegum skólans án þess að forsjáraðilar verði upplýstir um það. Einnig kom fram að gott væri að hafa slökunarherbergi fyrir nemendur sem þurfa hvíld frá áreiti eða þurfa að ná jafnvægi eftir að hafa komist í uppnám.

„Lengri frímínútur og maður má ráða hvort maður fer út eða ekki“.

„Kennrarar þurfa ekki að vera strangir“.

„Meiri hvíldartími í skólanum“.



„Skólastjórar eiga að taka því alvarlega þegar nemendur segja frá einelti kennara“.

„Krakkar eiga að geta farið á klósettið án þess að spurja“.

„Ekki segja alltaf strax farðu til skólastjórans og talaðu við hann“.



Starfsfólk barnapíngs 2022:

Guðríður Bolladóttir

Eðvald Einar Stefánsson

Stella Hallsdóttir

Tinna Rós Steinsdóttir

Róbert Ragnarsson

Freyja Sigurgeirsdóttir

Jón Hrói Finnsson

Sunna Rúnarsdóttir

Agnes Wild

Sigyn Blöndal

Andrea Rói Sigurbjörns



**UMBOÐSMAÐUR
BARNA**

Útgefandi: Umboðsmaður barna 2022
Teikningar: Elín Elísabet og Rán Flygenring

ISSN 2710-9615